

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華北地方·第二〇號

據

清·楊文鼎王大本等纂修
清·光緒二十四年刊本


影印

河北省

灤

州

志



成文出版社有限公司印行



10098762

中國方志叢書·華北地方·第二二〇號

據

清·楊文鼎王大本等纂修
清·光緒二十四年刊本

影印

河北省

灤

州

志



成文出版社有限公司印行



10098761

中華民國五十八年 月壹一版

灤州志

全二冊

發行人：**黃成助**

出版者：**成文出版社有限公司**

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：**東南印製廠有限公司**
和平西路二段70巷83弄29號

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

灤州志

光緒丙申續脩
海陽書院藏板

天津河北關上
虛室內義合堂刊

灤州志書序

光緒戊戌秋九月予蒞任舉
行觀風萃州之舉貢高材生
扁試之事畢紳士王靜軒吳
止軒吳海秋諸君子進而言

灤州志 卷首序

曰灤志肇自前明屢經脩輯
今又數十年矣前歲丙申楊
公攝篆創議續修籌款開局
屬任纂修及採訪校讎之役
十閱月稿脫將付梓楊公受

代去繼之者以簿書期會之

繁未遑及此年半迄未鏤板
今我公來下車伊始首重文
教急先務也敢請以志稿付
梓成楊公未竟之緒予敬諾

灤州志 卷首序

之比召手民開雕工將竣諸
君子又進而言曰斯志也創
於楊公而成於我公之手是
待公序之歟予告之曰續脩
緣起楊序已詳予復何言願

念殷、然請之至再又何可
以不文、辭竊惟州有志猶國
有史家有譜也譜為一家書
無論智愚賢否悉書名以示
子孫無所謂褒貶勸懲也史

則舉大遺細凡政治得失君
德純疵臣品忠佞直書以垂
後世有褒有貶有勸有懲者
也若夫志則惟善者書之惡
者隱焉賢者書之不肖者略

焉似有褒無貶有勸無懲矣
不知不貶之貶甚於貶不懲
之懲甚於懲蓋各有體例也
夫人生天壤間得秀而寂靈
之氣戴髮含齒昂然挺七尺

之軀縱不能立大德建大功
震古爍今彪炳史冊與古聖
賢豪傑相輝映亦當勉為循
吏名儒孝子悌弟即至一才
一執之長書之志乘為州里

光庶不虛此生矣若生無益
於時沒無傳於後奄忽漸滅
與草木同腐不亦悲夫願與
諸君子及後來官於斯生於
斯者共勉旃爰次其言為序

以塞諸君子之請云

賜進士出身三品銜道員用在

任候補知府卓異升授灤州

知州前翰林院庶吉士吳縣

李振鵬拜撰



灤州志序

親民之官白府及州縣皆稱知知之義訓筭匪知胡筭既筭必知其實一也知縣之名始見於唐府州稱知則昉於宋然其初俱非本官皆由他任而代攝者良以所屬之事本官之宜知固也若代攝者或慮其有諉謝之見故特實其責曰知又以其時之不可以久也則曰權知光緒乙未閏五月文鼎由靜海任調攝灤州於古權知之義為合且深維夫知之名實緣代攝者而起而益兢兢焉不敢以自康也夫鈞稽文簿釐清案冊固凡為政者之所宜有事而政體之大

灤州志 卷首 序

者要者必不係乎是第於是以求知以求畢吾所當知之事則愈遠矣古者列國有史今之郡邑志書是也周官外史掌道方志所以陳四方之風備柱下之要然則欲周知一邑之事於馮軾問俗而外有可以徵文獻而備稽考者其惟志乎灤志始修於明嘉靖間知州陳士元歷

國朝至嘉慶己巳續修者凡五最末為知州吳士鴻吳以前之書其原本俱不可得見惟陳志猶存編目敘引餘則僅有其敘茲由吳志上循各敘以追陳書之舊大約續修者漸失其簡古而其實則浸備然自

吳志之修迄今幾九十矣壤地如故也而河流婁溢水道遷徙原田墟落有失其夷者禮教猶昔也而人物之生文明之萃忠孝名節或顯或晦有非一致者至於有司蒞治後先嬗代其舉措得失奉上臨民之蹟志趣各殊進止斯異即如經政之大甲令法制之所頒定積敝而張積張而弛職之胥吏之手有久而不能存存之而不能洩者而況父老之稱說傳述於口耳尤為可恃而不可恃也是則九十年以前之事實固自可以按籍而稽而自茲以還則往往有所尋繹而不得其據且漸至蕩焉漸滅不可以究詰文鼎

灤州志 卷首 序

既於徵考之際身其難而即不欲以是難來者故受事伊始披閱是書即有志於蒐輯補綴以彌其憾徒以師旅饑饉之後民生彫瘵將謀所以蘇息安聚而茲事不能以驟舉也越明年事稍理爰集謀於邑之賢士大夫得資萃力以相仗於是吳君會隆海秋綜理局務纂修則屬之王君大本靜軒吳君寶善止軒其書院諸生之翹特者則俾之分任採訪校對之役又聘蘄水王君炯松嶠為之裁正而總其成而文鼎則於聽政之暇亦相與探討而參酌焉是役也始事於丙申之夏凡十閱月而脫稿將付剞劂適文鼎以

調任常山去濼越明年奉

命出守慶陽濼之士紳屬爲弁言不揣固陋誌其緣起後之
涖州事而務先求夫知者當有取於是書抑或務先
求知而其所急欲知者固別有在則於是書仍無取
也光緒二十四年戊戌四月

誥授通議大夫三品銜甘肅慶陽府知府前署濼州知州楊

文鼎撰

濼州志

卷首序

三

灤州志纂修職名

總裁

花翎三品銜在任卽選府己卯科舉人 靜海縣知縣署灤州知州 楊文鼎

裁定

揀選知縣己丑科舉人 蘄水 王炯

監修

五品銜學正 辛亥科舉人 王振名

五品銜訓導 廩貢生 史光奎

總修

候選訓導 歲貢生 州人 王大本

灤州志 卷首 職名

固安縣教諭 乙亥科舉人 州人 吳寶善

協修

候選教諭 己卯科副榜 州人 吳會隆

凡例

一嘉慶中所修舊志分八綱七十一目門類較初志為備今仍其大概而為之變通增省其體例則倣宋周應合景定建康志分圖表志傳為四統類至卷首恭載

巡幸

詔諭

宸章卷末另輯外編則猶是舊志例也

一舊志以

巡幸

灤州志 卷首 凡例

恩賚

天章恭列卷首允符體制惟併

巡幸

恩賚為一類殊欠分曉蓋其所紀

恩賚並不專屬

巡幸亦有

巡幸而未邀

恩賚者他如遇災

獨郵遣官會勘等事悉行編入核與本門義例不合今專錄

巡幸省

恩賚二字增立

詔諭一門凡一切

賞賚及免租釋罪減囚諸大事統歸

詔諭門內蓋

朝廷施仁布德無非出自

恩綸至歷次

上諭全文不能備錄則以原鈔散佚不盡得所據也

一方志以圖為要如宋朱文長吳郡圖經續記明姚

虞嶺海輿圖等書皆圖經事緯蓋直以圖為志舊志

僅有州境全圖暨城池官署學宮共四幅未免過略

灤州志 卷首 凡例

今於總圖之外更列分圖又增水道及書院為圖凡

二十有八都為一卷

一范史踵陳志之失不立表顧氏日知錄議之蓋以

傳有不可勝書者表則可以該括否則立傳必多傳

愈多文愈繁事蹟或反遺漏而不舉今增立沿革爵

秩選舉諸表以補舊志之缺且以省文也

一山有定位水無定流茲因測繪各圖逐處履勘務

求詳確辨方審向以別山之遠近水之支幹凡一山

二名舊志誤作兩山者正之其水道所經見已湮塞

者仍考其原委以存故迹餘若坳若峪若淀若灣昔

人但取以名村實非背山臨水者刪之

一方輿家所謂形勝係指雄關巨鎮險要阨塞而言至於探幽選勝牽合拈據名之曰景或分爲八爲十爲十二藉供題詠此乃文人惡習一邑之地方域所限形勝無多作志者率取此以當之殊失其指今擬將此類省去徒以沿襲既久因循未得遂行其志姍陋之譏是所不免刪繁刊謬惟俟後賢

一州境迤南瀕海惟無深曲港澳且非要衝故未額設重兵屯駐然綠洋溝曹妃甸一帶風濤漂瀉中有暗沙未嘗無可扼之險海疆有事講防務者亦所不

灤州志 卷首 凡例

三

遺故增列海防附於山水之後

一灤州之有漕運當遼金偏統運道不通或鑿渠以利輓輸彼時已未能經久至明徒有其議未遂舉行舊志專立漕運一條祇屬具文無裨實政况近時輪船鐵軌無往不達議漕運者必不及灤改附古蹟後以存一時經制

一學校本宜編入建置茲因參酌眾議以爲文廟一切典章制度雖詳載會典國子監志等書然鄉曲之士不能家置一編莫若錄其切要俾諸生肄禮習樂得所稽考意至善也惟如此則條件既增篇幅益繁

在本門遂嫌畸重勢不得不另立一綱以事闡典禮有裨文化雖於書之體例有乖未敢拘泥識者諒之一鄉飲酒禮讀法禮俱闕實政舊志不載今補入列於學校之後至書院義學今昔規模不同章程各別亦備志之以期永無廢替

一史書體例藝文志止載書目後來志乘概登傳記詩賦等類自范石湖吳郡志省藝文以其篇散附各條之下康對山因之以撰武功志近永平郡志及畿輔通志皆倣其例今並宗之

灤州志 卷首 凡例

四

一郡志及通志雖以詩文等散附各條仍立藝文一門專載書目以還史書之舊通志則分經史子集益之以方志審擇尤嚴固其體例之精亦出地大足供蒐采故也灤州僻處一隅前賢撰述率多散失存者不過什一餘僅傳其目往往不得其卷數則當日著書義指更無問矣惟書雖有存有不存而其人則皆已列傳傳中既載其目此外無庸更贅匪如通志郡志之撰人不皆有傳且有失名者也

一初擬列金石一門既因有石無金且石刻多係尋常碑記綴事而已其文體書法求如古今金石家所集之篇甚夥故將原文依類分載本事之後不另著

錄

一吳志紀事係因陳志世編之舊今仍其類而廣續之其間有不合志乘體例者稍加刪潤惟既具年經事緯則詳異自可併入舊志另列未免辭費

一戶口遞有增減一時所編不能永以為據舊志只登歷次編查總數今亦宜無異格惟僉以民數所關允宜詳核故此大無論遠近村落比戶挨查其男女口數分注各村之下至竈丁有額即有課其數每以多報少向不易稽今沿海各村竈丁與民錯處但能得其實數不復為之區別也

深州志

卷首

凡例

五

一差徭本非典例舊志不載然用民之力輸民之財亦一方經政濼自朱游兩刺史釐定章程以紓民困至今賴之固宜補入

一鐵路由津達關濼為中道除境內橋站途軌外其餘規制只存大略至開平煤礦非有鄰境兼轄之地是其專屬故一切較詳

一列傳其人已見於遼金元明各史者俱依史書登錄惟志乘之體善善從長究與史例有別故奸惡從不為之立傳其餘苟有名位雖瑕瑜互見亦必棄短錄長不盡據史書全文以彰其過

一官司列傳以政績為主餘祇略敘蓋本非其行述家傳也至政績以必詳於本任若濼事一無可考不據他任循聲為之立傳

一庚午之變兩齋博士俱逃而康熙舊志復為立傳似屬非是今刪之

一前明知州楊公燦殉庚午之難舊志以數語了之殊嫌簡略今得陳三緯碑具悉顛末因詳敘三緯傳內

一人物不為生存者立傳若節婦惟計守節年分苟得及例無論已否請

深州志

卷首

凡例

六

旌概行錄入

一舊志仕宦有死事者另立忠烈傳今則併入仕蹟蓋居常盡職臨變赴義一於本傳見之不必更區一類以省繁目

一李氏舊時為州望族而樂善好施自李毓元始見於志其後祖孫父子兄弟叔姪俱能急公好義世濟其美舊志各為立傳未免複沓今併李氏善行俱附毓元傳後益見箕裘弗墜

一隱逸必其人才學素裕所際非時因而肥遯者若九赴秋闈十上春官是欲仕而不得其階本非隱也

明季遺老杜門卻軌者亦止一二人各於本傳詳其志行高隱自見不必另爲一類

一方伎雖小道最不易精舊志所載無他伎藝以醫著者三人俱年登大耄今併入耆壽詳其醫術遂省方伎一門

一濠人多壽年至八九十者所在恆有今據呈報確查實係有德可稱者始爲立傳餘亦存其姓名年歲以示鄉黨尙齒之義

一孝德難言古今以孝顯者代不多觀自前任游牧表揚孝子入祀忠孝祠遂爲舉保孝子之濫觴此次

濠州志

卷首

凡例

七

舉保過多難盡憑信擇其事之眞確訪無異詞者登錄數人餘俟詳請

旌表題準後再行補入

一陸清獻靈壽志不載釋道寺觀祛淫祀斥異教也舊志則編入末卷聊示外之之意今仍之

溧州志目錄

卷首

巡幸

詔諭

宸章

卷一

疆域總圖

水道圖

疆域分圖

州城圖

溧州志 卷首 目錄

衙署圖

學宮圖

書院圖

卷二

沿革表

卷三

爵秩表上

封爵

官秩

自遼迄明

卷四

爵秩表下

官秩

國朝

卷五

選舉表上 文科

卷六

選舉表下 文科 武科 仕進 職銜

封贈 廕襲

卷七

封域志上 疆界 星野 畧度 山水 海防附

卷八

封域志中 形勝 市鎮 風俗 方言 時序

物產

卷九

溧州志 卷首 目錄

封域志下 古蹟 漕運附 邱墓 紀事

卷十

建置志 城池 官署 舊署附 街衢 壇廟 倉

儲 各義舉附 樓閣 坊表 橋渡 營

汛 鋪遞附 鐵路

卷十一

學校志上 學宮規制 木主位次 釋奠儀節

陳設禮器

卷十二

學校志下 樂制 舞節 學署 學額 學田

存學禮器 存學書籍 鄉飲酒禮

讀法 寶興 書院 義學 社學

卷十三

賦役志 田賦 稅課 戶口 差徭 經費 鹽

法 礦務

卷十四

官師列傳 循績 佐理 儒官 營守

卷十五

人物列傳上 仕蹟

卷十六

深州志 卷首 目錄

人物列傳下 孝友 文學 篤行 耆壽 流寓

卷十七

列女傳 孝婦 烈婦 節婦 壽婦 孝女

烈女

卷十八

外編 寺觀 仙釋 雜錄 舊志編目敘引

舊志纂修姓氏

docsriver 文川网
入驻商家 古籍书城

在文川网搜索古籍书城 获取更多电子书

深州志卷之首

巡幸

康熙六年九月

聖祖仁皇帝東巡已未

駐蹕巖山庚申

駐蹕錢家營

九年

聖祖東巡

駐蹕城南自北門

入問州紳石申住宅高輔辰年病生員倫中諸子姓名

深州志 卷首 巡幸

十年

聖祖東巡

駐蹕板橋村

乾隆八年

高宗純皇帝東巡經州境

十九年秋

高宗東巡

駐蹕偏涼汀

四十三年

高宗巡幸偏涼汀

嘉慶十年

仁宗睿皇帝巡幸

盛京經州境

詔諭

順治元年

詔免民租十分之五

二年

詔釋民壯歸農

三年

詔免被圈民田租之半

深州志 卷首 詔諭

八年

詔釋多兒波投充人戶歸農

十一年

詔遣固山額真佟代侍郎郝傑資銀布賑貧民并免田租十

分之七

十二年

詔免十一年以前拖欠田租

十五年五月

詔遣刑部尚書白引謙啟心郎巴格賑資貧民

十八年

詔停止練餉

康熙三年

詔永免再圈民田

八年

詔還本年所圈田園房舍歸民

十年

詔免

東巡經過州縣地丁錢糧

二十一年

詔免地丁錢糧

灤州志 卷首 詔諭

二十五年

詔免未完民欠錢糧

二十六年

詔免地丁錢糧

二十七年

詔賞八十九百歲老人銀米絹肉有差

二十九年

詔免錢糧之半

三十三年

詔免地丁錢糧

三十五年

詔免地丁錢糧

四十二年

詔賞八十九百歲老人銀米絹肉有差

四十八年

詔賞八十九百歲老人銀米絹肉有差

四十九年十月

詔全免康熙五十年地丁錢糧并歷年民間舊欠

五十二年

詔免地租并積年民欠

灤州志 卷首 詔諭

五十四年

詔免地丁銀米豆穀草束

五十六年

詔免地丁錢糧

雍正元年

詔賞老人米布有差

七年

詔免地丁錢糧

八年

詔免地丁錢糧

九年

詔免地丁錢糧

十三年

詔賞老婦米布有差

乾隆四年

詔蠲免錢糧

八年

詔東巡經過

十年

御道蠲免錢糧十分之三

灤州志

卷首 詔諭

五

十五年

詔免未完民欠銀米草束賞老婦有差

十六年

詔賞老人銀米絹肉有差賑饑蠲糧

十九年秋

詔東巡經過

御道蠲免錢糧十分之三

二十六年

詔賞老人絹絲米肉有差

二十七年

詔賑饑民二十二萬三千餘口共米九千五百三十四石零

銀二萬一千六百二十五兩九錢零

三十五年

詔普蠲地丁錢糧

三十六年

高宗六旬萬壽

恩賜千叟宴

詔賞賚老民絹絲米肉有差奉旨罪囚援減

灤州志

卷首 詔諭

六

四十三年

詔蠲免

巡幸

御道兩旁地糧旗租銀兩

四十五年

詔賞賚老民絹絲米肉有差

四十九年

詔賞賚老民老婦絹絲米肉有差

五十年

詔賞賚老民絹絲米肉有差

五十五年

高宗八旬萬壽

恩賜千叟宴

詔賞賚老民絹綿米肉有差

詔免地糧旗租銀兩奉

旨賑濟本屬東南兩鄉被水饑民

詔罪囚援減

五十九年

詔蠲免地糧旗租銀兩

詔賑濟本屬東南兩鄉被水饑民

灤州志 卷首 詔諭

嘉慶元年

詔賞賚老民絹綿米肉有差蠲免錢糧奉

旨賞給老民頂戴

詔罪囚援免

六年

詔八項旗租銀兩均勻減除

詔蠲免積欠

詔罪囚援減

十年

詔蠲免

東巡

御道兩旁地糧旗租銀兩

十二年

詔蠲免十一年地糧民欠十分之三

十三年

詔蠲免地糧旗租銀兩

詔賑本屬東南兩鄉被水饑民

十四年

仁宗五旬萬壽

詔賞賚老民絹綿米肉有差

灤州志 卷首 詔諭

覃恩文武各員準予封典加級請封

詔罪囚援減

十七年

詔捐輸米石賑濟被水饑民

道光四年

詔捐輸煮賑被水饑民

六年

詔蠲免被災地糧旗租銀兩

七年

詔蠲免被災地糧旗租銀兩

九年

詔蠲免被災地糧旗租銀兩

十三年

詔捐輸米石動用義穀賑濟被旱饑民

十五年

詔蠲免被災地糧旗租銀兩

十六年

詔蠲免被災糧租銀兩

二十五年

詔蠲免被災糧租銀兩

灤州志 卷首 詔諭

三十年

詔蠲免被災糧租銀兩

咸豐十一年

詔蠲免被災糧租銀兩并米豆草束

同治十年

詔蠲免被災地糧旗租銀兩

十一年

詔蠲免被災水糧租銀兩

十二年

詔蠲免被災水糧租銀兩并米豆草束

光緒元年

詔蠲免被災地糧旗租并米豆草束

六年

詔蠲免五年被水糧租銀兩并米豆草束

九年

詔蠲免八年被災地糧旗租并米豆草束

十年

詔蠲免九年被水地糧旗租銀兩并米豆草束

十二年

詔豁免被水地糧旗租銀兩并米豆草束十分之五

灤州志 卷首 詔諭

十四年

詔豁免十三年被水地糧旗租銀兩并米豆草束十分之五

十六年

詔豁免被水地糧旗租銀兩并米豆草束十分之五

十八年

詔豁免蠲免被災地糧旗租銀兩并米豆草束有差

十九年

詔豁免蠲免被災地糧旗租銀兩并米豆草束有差

二十年

詔豁免蠲免被災地糧旗租銀兩并米豆草束有差

恭錄

上諭全文

道光二年十一月

諭內閣顏檢奏覆直隸水冲沙壓地畝案內徵解錢糧一摺前據御史余文銓奏直隸藩庫節年水冲沙壓地畝案內徵解十數萬兩向未策入奏銷亦未專案報部當經諭令顏檢詳晰確查茲據該督查明覆奏直隸宛平等七州縣徵存水冲沙壓地畝糧銀內祁灤正定三州縣業經按照舊案發還案戶散給著加恩免其徵追嗣後凡有水冲沙壓糧銀已輸在官者即解司報部撥用不準援案發還其

灤州志

卷首

詔諭

十一

成豐元年二月

諭內閣訥爾經額奏豁免積欠旗租請旨遵辦一摺各直省民欠錢糧前經降旨將道光三十年以前已入奏銷者全行豁免此項佃種旗地之民近隸畿疆同深望澤允宜共沛恩施所有直隸各州縣道光三十年以前實在民欠各項旗租並各案補徵銀兩著加恩一體豁免該督卽刊刻謄黃徧行曉諭毋任胥吏舞弊務使實惠均霑用副朕布

惠推恩至意

同治三年七月

諭戶部奏蠲免錢糧已輸在官準流抵次年應完正賦卽所載防弊本極周詳無如各州縣積習相沿機詐百出或停擱蠲免詔旨先勘催迫或藉無流抵明文闖入私橐卽或業戶中偶請示遵而官吏胥差互相聯絡游詞飾說巧爲欺朦倚勢作威肆其侵蝕故遇免徵之年追呼不已已輸之賦扣抵無期是以厯屆蠲免難霑實惠卽如本年四月蠲免江屬諭旨有流抵字樣正月初二日蠲免蘇屬諭旨無流抵字樣載與不載厥例維均恐小民無知或敢猜疑

灤州志

卷首

詔諭

三

之竇官吏藉端影射巧索強取請申明定例嚴防弊端等語向來蠲免省分其全年蠲免先期輸官先期全輸在官者除應徵分數外餘應蠲免分數亦準下年扣抵立法至周乃近來不肖官吏因緣爲奸致小民踴躍輸將反飽貪殘囊橐上行其惠下屯其膏喪心昧良莫此爲甚嗣後各省官吏如再有隱匿謄黃朦混流抵各項弊端著各該督撫大吏查明嚴參案照侵盜錢糧律治罪並著刊刻謄黃通行曉諭以後遇有蠲免年分著永遠將此旨一併刊刻宣示仍著戶部卽準其流抵次年應完正賦其蠲免定有分數查明從前例案通行各直省以期實惠及民無資中

飽將此通諭知之

宸章

恭錄

聖祖仁皇帝聖製詩

灤河

寒邊遠繞至灤河澈底清明不見波駐蹕徘徊千萬里石

鯨兩岸影嗟峨

灤河泛舟

平沙漠漠接長河天際浮雲落照多兩岸蒼山相竦峙扁

舟一權任清波

灤州志

卷首 宸章

三

恭錄

高宗純皇帝聖製詩文

渡灤河

清蹕轉辰旂霜華畫罕浮初冬回帝里千古此灤州攬景
目難給題詩興輒留偏涼汀畔水待我再憑流

遊偏涼汀作

灤州境內兩奇勝夷齊廟及偏涼汀肅講清聖拒古貌高
臺臨碧爲延停輿向南三十里橫山秀色蔚吸巖笑指
面前灤水云急流先我來何駛蘭椒石磴登賞綠峰容波
態相澄鮮遙思六月松下坐謾謾波泛涼來偏好景多屬

化人國文殊問道維摩默摩拏往蹟辨金明壁上有詩僧

不識倚巖飛閣坐平流昔年有興一晌酬舊作有偏涼汀

流之化民成俗今然不初心自問多增憂畔水待我再憑

卽景

橫山佳氣擅灤州勝弗以雄祇以幽廿四年中心企者隨

緣一日暢來遊

其二

曉峰峻挺水灤澗步入林亭礪戶開卻指灤江滑笏處清

風臺下先予來

其三

灤州志 卷首 宸章

四

山容水態柏深秋前度詩情一瞬道設謂橫陳若屏障畫

家應是李營邱

其四

偶然小駐惜前移偏喜涼風滿意披咨爾扈行牧民吏戒

貪作法合如斯

灤河濡水源考證

濡水見史傳者凡五說文出安東入涑者涑郡之濡也廣

易州之濡也並音儒與記出易州窮獨山一名聖女水者

水皆由天津入海此獨石口外之濡讀如難音與灤近其

水經由永平府之樂亭縣入海與畿內三濡迥不相涉又
水經注蒼梧之濡水出永豐縣濡山字亦音儒名亦迥相
耳而惟灤河之濡水源遠流長雄於其四鄰道元水經注

所云出禦夷鎮者也昨歲命方觀承考濡源委亦既繪其梗概條分縷析而為之說矣然以漢文訓蒙古語未如同

文韻統得字音之正而鄂博之類穿鑿更甚蒙古語謂堆砌石以表祭

處為鄂博方觀承乃書作我軼且引鄭氏及詩大雅之言證為軼祭行路神之義鑿而謬矣會為鄂博說以正其誤

他如們紳克之為們催達巴罕之為大貝因命嚮道大臣類此者不可枚舉難以一一為之辨訂也

努三挈方觀承所造同知黃立陸者重循其源以至其委

於是二千餘里之灤河曲折分合盡得其實因詳注其地名及諸水之涯流而鄴道元歐陽修等並元史河渠志所

載相舛誤者都為四條考證如左夫江淮河濟中國之四

瀆也其理大物博較之灤河濡水不啻倍蓰而禹貢以數

灤州志 卷首 宸章 志

語盡之茲注濡水數千言猶有未盡焉古今相去不可及

者如此蓋得其簡則足以提要而欲其詳反不免致繁抑

以塞外中土語言不同人跡罕至斯固難易所由殊然則

就同文韻統會中外而傳濡水之實詎不在此時乎哉灤

河源出獨石口外東北一百餘里巴延屯圖古爾山山為與安

正幹自張家口向東至獨石口外為大山折而西北過上都城入於圍場之海喇堪與興安大嶺相連屬出泉處較

興安山梁尤為時出山陽山陰樹木茂密與他山異信為

名山山陽為民人居阻山陰皆察哈爾蒙古游牧地焉

四泉湧出名都爾本諾爾涓流曲折伏而復見西北經訥

克里和洛有小水自東注之又北經哈丹和碩之西噴爾

都思台之水自東注之又曲折西北流至茂罕和碩自都爾本

諾爾至此計三道河自東來匯之其水一出摩霍爾達巴

七十餘里一出楚庫爾蘇達巴罕各河流始暢又西北流復有二小水

相距十餘里匯為一河

一自布爾噶蘇台一自克爾哈達先後來注之八十里經

察汗格爾俗名西涼亭烏蘭河屯至上都店入多倫諾爾界又北流十

餘里經淖海和碩折而東北二百五十餘里經博洛河屯

至庫爾圖巴爾噶遜河屯喀喇烏蘇自東注之又三十餘

里至上都河屯上都即元開平府灤水經其城南故名上都河察汗諾爾自北注

之又六十餘里經都什巴延珠爾克山至察汗鄂博東克

伊河出興安山梁之陽南流經伊克霍爾昆巴罕霍爾貝爾和爾水

東注之西與海留台河爾昆巴罕霍爾貝爾和爾水合而為一入於上都河

灤州志 卷首 宸章 志

磴口額爾德尼布拉克自西注之其水經多倫諾爾之北又十五里

至大河口圖爾根伊札爾河自東北來匯之其和亦出興安山梁之陽

流摩霍爾伊札爾自東南入之匯注於此又南流七里沙

岱布拉克自西注之又折而西南流二里霍洛圖布拉克

自東注之又九里海拉蘇台河自西注之又一里蒐集布

拉克自東注之又南流一里渾齊布拉克亦自東注之又

十里察汗郭勒自西注之又十一里什巴爾台河自東北

注之其水出伊克空鄂洛鄂博西為木蘭圍場西界又折而西復折而南八里克

籌布拉克自西注之又十七里經雁北灘入四旗布爾噶

蘇台哈丹和碩河自西注之又十七里經半壁山又南經

大廟灣折而東復折而西南五十八里頭道河自西注之

又二里羅密塔子亦自西注之轉而東南流三十二里至

木廠又折而東流二十四里經韭菜梁又九十五里經小

遼東至瓜地摩霍爾阿爾善所出之湯泉自南注之又二

十七里經西屯庫爾奇勒河俗名小自北來匯之其水出

梁之陽三支分引過托霍隆和洛合為一西南流會瑪尼

圖卡倫哈喇達巴罕珠爾噶台海拉蘇台諸水折而東

南會霍來郭勒哈爾渾諸水又噶拜卓索阿魯布自此遂

拉克昂阿諸水復先後會之合為一河注於此

名灤河又二十七里至郭家屯折而南流四十六里至大

對山又折而東復折而南屈曲行八十餘里至興隆莊略

喇河南流五十九里經五道河折而西南流四十九里至

灤州志 卷首 宸章 七

張博灣興州河自西北來匯之其源出沙爾呼山西經上

折而東流七十餘里經喀喇河屯繞行宮東流伊遜河自

北來匯之其水發源圍場內南流經博洛河屯東南流三

十四里至石門入熱河又四十七里經鳳皇嶺固都爾呼

河自東北來匯之其源出固都爾呼達巴罕西南流與茅

沿避暑山莊東北其水會茅溝後即與湯泉合水至此益

至是行宮內亦有溫泉流出匯之遂名熱河此與發源瑪尼圖

大折而南流四十三里白河自西注之達巴罕經密雲縣

會潮河之又三十三里老牛河自東北注之又三十三里

自西注之又三十二里清河自東注之又九里豹河自東

北注之折而西流二十里經灤河灘又南流折而東復折

而西經楊枝峪又東南流二十一里入潘家口折而東又

折而西十里經走馬哨又二十四里至激河橋激河自西

注之又曲折東南流七十餘里至白布店恆河自西北注

之又折而東流十餘里至煤峪口長河自東北注之又七

十三里過平崖子清河自東北注之此與黃花川折而南

流二十餘里至峽口蛤螺河自東注之又二十九里過遷

安縣西經黃臺山又二十三里折而東三里河自東注之

其河與二又南流二十餘里經孤竹城入盧龍又三十五

道泉合

灤州志 卷首 宸章 六

里至合河口清龍河自東北來匯之其源出特布克入桃

口來會之經永平府城林口復有一水自冷

西過虎頭石入於灤河流至此勢益寬大又十一里繞

雪峰寺又二十一里過武山西橫河自西注之又三里至

偏涼汀入灤又東南流五十六里過汀流河入樂亭又三

十六里至老河口灤河故又西南流二十里至小河崖清

河自西北注之此與黃花川南及平又七里至石家坨灤

自此分支名高密河常潤大折而西南流五十餘里至新

橋口入於海自河源至此約二千餘里

酈道元水經注云濡水出禦夷鎮東南秦禦夷鎮為北魏

於長川之西自赤城西至五原延袤二千里又魏世祖破
蠕蠕列置降人於漠南東至濡源西概五原陰山分六鎮
是禦夷居六鎮之東自獨石口外至開平皆其故地以今
所考上都河源方向核之道元所言非盡無稽惟云二源
雙川夾山西北流則未能實辨都爾本諾爾爲濡水正源
而以夾山來會之三道河誤爲濡源雙引其云出山合城
一川則卽今之茂罕和碩耳至云又西北經禦夷故城東
其遺跡無可據惟以鎮北百四十里計之當在今烏蘭河
屯之地其餘諸山水雖與今圖不能悉合然所云又北經
箕安山東屈而東北流似卽今之多倫鄂博圖其云經沙
濼州志卷首 宸章 九

林蘭陞東至清陞無終爲今玉田林蘭陞蓋今喜峰口清
陞卽今冷口卽此以證不特塞垣疆界了然卽田疇引曹
操迴軍盧龍塞之處亦可得其大概矣其自潘家口以內
至入海處鄙注所記州邑山水雖名稱今昔不同而以志
乘訂之皆約略可數而未至大舛蓋道元於諸水源委詢
考綦詳故所言時有相合者惟未嘗親履其地且以漢言
誌蒙古山水名目往往傳訛傳會更不免謬以千里則泥
古而不知覈實之過也
歐陽修云灤水出炭山東北胡三省通鑑注因之其後陳
組綬職方圖考顧祖禹方輿紀要皆從其說今考獨石口
灤州志卷首 宸章 三

野西又經沙野北則似指伊克們綽克至喀喇烏蘇一帶
沙磧言之其云三泉雁次合爲一水注呂泉水則似今之
克伊 綽河合伊克霍爾昆等三源也云逆流水則似今之
伊札爾也云木林山水則似今之海留台水也云又東盤
泉水自東北西南流注濡河則似今額爾德尼布拉克也
又所云東南水流迴曲謂之曲河鎮以今圖屈折形勢觀
之蓋卽今大河口自此以下道元卽闕入白檀要陽案其
地距所云會武列水之熱河境尙七百餘里漢時郡縣安
得至此其外尙待深辨乎至云濡水又東南經盧龍塞
則爲今之潘家口無疑其云塞道自無終東出渡濡水向

外無所謂炭山者惟巴延屯圖古爾山據努三云土人名
其山爲黑老山案昔人有謂濡水出黑龍山者龍老音轉
承訛黑龍山之言似不爲妄今巴延屯圖古爾山其陽石
色黝黑所謂炭山或卽指此而明統志乃以萬全縣南之
炭山當之其地距獨石三百餘里則更風馬牛不相及矣
元史河渠志灤水出金蓮川中今獨石口外濡源相近處
無所謂金蓮川者案金史地理志云桓州曷里許東川更
名曰金蓮川又元史地理志云世祖命劉秉忠相宅於桓
州東灤水北之龍岡中統元年爲開平府五年加號上都
卽今之上都河屯正在灤水之北桓州尙在其西考元周

伯琦扈從北行記云至失八爾圖地多泥淖驛路至此相
合地多異花有名金蓮花者似荷而黃至察罕腦兒猶漢
言白海也歷數驛始至桓州又王惲中堂事記云灤野蓋
金人駐夏金蓮云云考其地皆與上都河屯相近失八爾
圖當爲什巴爾台蒙古語泥淖處也在上都西少北察罕
腦兒當爲察漢諾爾蒙古語白湖也在上都南少西金蓮
川當在什巴爾台察汗諾爾之間元陳孚金蓮川詩云茫
茫金蓮川日映山色赭昔人建離宮今存但古瓦蓋金時
於此建景明宮爲避暑之所許安仁疏有金蓮千里之外
語以距京師道里計之亦相合又今什巴爾台少西北有
灤州志

灤州志 卷首 宸章

三


和洛和山蓋卽金史所謂曷里泚者川在其東去獨石口
幾五百里其非濡源明甚周伯琦賦得灤河送蘇伯修詩
云清灤悠悠北斗北干折縈環護邦國直疑銀漢天上來
金蓮滿川淨如拭蓋灤河先經金蓮後至上都伯琦詠灤
河而兼及金蓮殆指河流所經言之修元史者直以爲灤
出金蓮川中誤矣

灤州全圖

docsriver 文川网
入驻商家 古籍书城

在文川网搜索古籍书城 获取更多电子书

灤州水道圖每方十里



汀涼偏

